

CAPUT II.

De Nomine Substantivo

Articulus indefinitus nullus est in lingua ksanka. Dubitari etiam potest utrum sit articulus definitus, qui stet seorsim a nomine. De articulo definito, si quis est, qui componitur cum nomine alibi sermo erit.

Saepeissime ksanka utuntur pronomine demonstrative ad instar articuli definiti. Pronomen demonstrativum est *na* vel *nas*, et significat *hic, haec, hoc*. Istud pronomen habet vim articuli definiti quando adhibetur in enumeratione plurium rerum: e. g. *na gapi, na k'kikul, na akulak, kapi sukni; bulbi, panis, caro, omnia sunt bona (le gamasee, il pane, la carne, sono tutte cose buone)*. Pariter in sententia: *Yakasinkinmiki kausakani nas aklsinakniks, Deus commoratus est cum hominibus*, pronomen *nas* habet vim articuli (*cogli uomini*). In istis exemplis in quibus pronomen *na, nas* optime vertitur per articulum definitum, sensus destrueretur, si loco articuli uteretur pronomine, et diceres: *istae radices, iste panis, ista caro sunt bona; Deus conversatus est cum istis hominibus*. Hisce praeiactis circa articulum, gradum faciamus ad nomina substantiva.

Nomina substantiva possunt distribui in quinque classes. Prima classis est eorum quae habent ipsissimam formam participialem: secunda classis est eorum, quae habent quidem formam propriam quam appellabimus (*y*), sed a verbis derivantur: tertia classis est eorum nominum, quae sunt ipsa themata quorundam